

ياسر نجم : آن أوان القضاء على كل أكاذيبهم ... الان يجب ان ينزل كل الاحرار الى الشوارع



الثلاثاء 27 مايو 2014 12:05 م

تصريحات وأقوال

ياسر نجم

سواء أعلنوا نسب المشاركة الحقيقية أو زوروا... سواء مدوا التصويت يوم أو أسبوع... سواء السيسي نجح كده أو هاعملوا لعبة احنا مش عارفينها... كل الطرق تؤدي لسكة واحدة:

لازم تصعيد غير مسبوق للحشد فى الشارع والآليات الثورية بما فيها العصيان المدنى فى الأيام القادمة...

التوقيت مثالى وجاى من عند ربنا ومن حيث لا نتوقع... وهم فى قمة احباطهم وقوات الانقلاب فى قمة الإنهالك... عرفوا حجمهم... والشعب عرف حجمهم والعالم عرف حجمهم... وأن الأوان ان أعداد معارضى الانقلاب تنزل بتقلها... وهايبان قدام الدنيا كلها الفارق الصارخ بين رواد المسرحية ورافضى الانقلاب... وهايبان قدام الدنيا كلها الشعب مانزلش الإنتخابات ليه... مش لأى سبب مفبرك... آن أوان القضاء على كل أكاذيبهم... آن الأوان انهم يجرموا يدعوا انهم الشعب وانهم المتحدثين باسم الشعب تانى... آن الأوان اننا نوثق ونثبت رسمى أن المسألة مش مسألة أخوان... وان معارضى الانقلاب مش بس الإخوان... وان المسألة مسألة شعب اتهان... وأصواته اترمت فى الزبالة المرة بعد المرة... وعلشان كده مش نازل تانى يمرط كرامته وارادته تحت البيادة...

مشاهد الولولة بتاعة الإعلاميين والنخب... مشاهد اللجان الخاوية... مشاهد خذى وعار الانقلابيين لا ينقصها إلا مشهد واحد كبير... مشهد شباب مصر اللي مانزلش الانتخابات... وهو نازل بمئات الآلاف فى كل الميادين... رابعة والنهضة والتحرير والإتحادية ومسجد القائد ابراهيم وميدان الأربعين... وفى كل المحافظات... وفى نفس الأيام دى... وأى رد فعل للانقلابيين أيا كان هابقى وبال عليهم...

وماتسألش اللي جنبك عايز ايه ولا مين وشايل يافطة مكتوب عليها ايه وعليها صورة مين... دى فرصة تاريخية لتحقيق أكبر مكسب ماتحققش على مدى الشهور اللي فاتت كلها